

B. N. C
FIRENZE

1008

32



1008. 32.


1008

AI

32

APOSTROPHE
PARÆNETICA
AD
HUNGARIAM.





* *
* -

Luctu obruta ploras Hungaria?
Ploranda esses, nisi hanc haberes plorandi causam.
Penitus interire libuit:

Quòd non licuit,
ploras?

Cæsi sunt è tuis nonnulli.
Digni erant, qui cæderentur, non, qui ficerentur:
Occisa eràs, nisi cæsi occisi fuissent.

Putasses Proceres tuos Aquilas:
Sed qui contempto SOLI adorarunt LUNAM,
Pute' tuas.

Hostiâ Augustus coronis redimitâ.
Facturi inferias, veneficia, magias
Ad LUNAM jurarunt:

Non poterat concipi in Sole, solis Tenebris
Dignum facinus:
Cujus testem
Tenebrarum præsidem legerunt impij Tenebriones.
Sacrilegi!

LUNÆ te devoverunt, quæ nata es SOLI,
Execrabilem facturi Hecatomben,
Nisi impiam Devotionem horruisset ipsa HECATE.
Supplicio affectum luges.

N A D A S D I U M ?

Nisi Cæsar, ipsa debebas cedere,
Generis sui tam Probrum, quàm Cladem:

Qui

Qui gentis suæ Proditor, cujus esse Tutor;
Regni Everfor, cujus debeat esse Converfor.

Dolet

Nobilis Membri à Corpore resectio;
Sed putrescentis & pestilentis est necessaria:
Pereat Pars, Corpus perditura totum.

At Caput, inquis, erat?

Vanum est Corpus, cui abstuleris Caput.

Vah! Dedecus Hungariæ!

Caput fuit,

Sed seditioforum, impiorum, Rebellium, Perduellium:

Caput Hydræ,

Utinam unum tantum!

Ne quinquaginta pestilenti fecunditate subnascantia

Novum fatigarent Herculem.

Hoc Monstrum

Lernam fecit pulcherrimam Patriam.

Caput Regni

Sacratissimus est Cæsar

LEOPOLDUS I. & PRIMUS & VNUS

Everfor Licentiæ, Assertor Libertatis

suo

CONSILIO & INDUSTRIA.

Hunc petierunt totum exanimaturi Corpus;

Illo salvo hoc non periclitatur.

At NADASDIUS,

Supremæ Curiae Iudex, in quâ nemo fuit ipso magis reus:

Iustè si iudicaret, neminem præ se damnet.

Sed

Qui jus proscribere maluit, quàm præscribere,

Pro Tribunali damnavit.

Justitiam, pietatem, Religionem, fidem,
 Agens Virtutis latronem, impietatis lateronem.
 Sinceriùs pro Justitiâ pronuntiavit in Sellâ Carnificis,

Quàm in Tribunali Judicis;
 Quos in hoc damnavit, absolvit in illâ,
 Reus mortis

Sententiâ Cæsaris, magis suâ.
 Nunquam hic Judex judicavit æquiùs,
 Quàm dum voce ultimâ dixit:

Cæsaris in se Sententiam esse meram Clementiam.

Post hunc non est quem plores.

Kakyus, Tekelus, Barchotzius, Podskaius,
 Ejusdem Hydræ Capita:

Quorum alios in scelere occupans Nemesis
 Prius raptuit ad divinum,
 Quàm ad Tribunal postularentur humanum,
 Exitio eò funestiore,

Quòd unâ abstulerit Vitam & vitæ Pœnitentiam.

Alij in Exilio longas dant pœnas, alij in Carcere,
 Foris Carnificè metuunt, à Cæsare; intus patiuntur à Conscientiâ
 Manibus Serinij & Franchipanij

Ipsa debes inferias,

Quod illecebrâ præmii traheris in societatem Flagitij.
 Gravis est tibi Miles Germanicus?

Non esset, nisi Gens tua esset levis.

Navis, ne porius ventos sequatur quàm rectorem,
 Ferreâ anchorâ est continenda;

Ne leviter hac illac fluctuet,

Oneranda saburrâ;

Mobiles Hungarorum Animi ad res novandas præcipientes
 Ferro milite, forti exercitu
 Sunt coërcendi.

Verùm

Verum ademptam defles Libertatem?

Hungariæ Libertas est, nimia carere Libertate

Servit, cum libera est; cum servit, dominatur.

Obligare se jugo barbaro, pacisci tributa, diriniendam præbere
Tartaro,

Illi Libertas est:

Parere Patri Patriæ

Servitus.

An servus, qui potestate Patris continetur, Filius?

An qui disciplinâ Præceptoris regitur,

Nobilis Ephebulus?

Febricitantibus meri, Lethargicis somni, furiosis gladii fac
potestatem,

Omnes occidisti: servasti, si negas.

Ita multorum Salus in ademptâ, Exitium in permissâ Libertate
existit.

Periisti Morbo, quo laboras, Hungaria,

Si nimium es libera.

Tot amputata Regno tuo Membra

Sunt Libertatis furentis Damna.

HÆREDITARIA ES.

Quid Hæreditatem aufers PATRI, Portionem substantiæ,

Et prodigis in Regione longinqua?

Quid eâ pascis immunda Animalia

Turcas, Scythas, Dahas, Bessos,

Dum tu non saturaris siliquis?

Mercenarij in Domo (AUSTRIACA) Patris tui
abundant.

Tu peris Egestate?

Merito servit alienis, cui gravis est Libertas in Domo Patris.

APOSTROPHE ALIA.

Abrumpe querelas, Pannonia!
 Inter inferias tuorum plaude:
 Respirabis, ubi Rebelles tui exspiraverint.
 Pro funalibus
 Tædas accende nuptiales:
 Epithalamium cane

PACI & LIBERTATI:

Quid ploras?
 Libertati tuæ strui laqueos arbitraris?
 Non falleris omnino.
 Laquei sunt sed quibus profuga retrahatur non captivetur Liber-
 Erras, (tas
 Si liberam Servitutem servæ postponis Libertati.
 Libertatem aucuparis?
 Campos Austriacos pete, sed sine laqueis,
 sine retibus,
 Sub maligno LUNÆ lumine testis.
 Scis, quàm FRUSTRA JECERIS RETE ANTE OCULOS
 (Quibus de Rege tuo mandavit DEUS)
 PENNATORUM.
 Hortus eras:
 Cur Austri Favoniis iter præcluseris?
 Ei, qui Vitâ tibi charior esse debuerat,
 Vitam auferre attentasti;
 Quæsitura scilicet Sanguinem,
 Quo Anti-Regis Purpuram colorares:
 Amens,
 Quia contra CONSILIUM & INDUSTRIAM;
 Cæca,

Cæca,

Quia ad LUNAM Ottomannicam caligans

DUCATUM abnuisti ARCHIDUCUM,

Hoc nempe adhuc deerat, ut Libertas iter fieret ad Servitutem,

Libertas.

Et ne PILEUS amitteretur,

Cæsar.

CAPUT periculo exponeretur,

Periculosa & præceps via est, per Scelera ad Libertatem;

Est magnetica vis Tyrannidis: ferum attrahit.

Vereri igitur debueras,

Nē, dum jugum à tuorum cervicibus excutere attentas,

In tuo jugulo ferro luderetur.

Infelix, paucis exceptis, Pannonia!

Formidabas Cæsareas Aquilas:

Libertati-

An, quia PILEO tuo insidiari illas arbitraberis?

Errâsti!

Ingrediēti Adolescenti adhuc Romam Servio Tullio,

Pileum abripuit Aquila:

Felici augurio:

Servo filio libertatem, Regnum Romanum præfagiit.

Vates Regina Tanaquil.

Perduellis, in Universitatis Formâ, Ungaria!

DEO & Cæsari BELLUM INDIXISTI, foedifraga,

Te & tuos perditura, dum tueris perfidē;

Æquē impia, seu ames seu oderis,

Libertos faciēs è liberis.

Ingemiscis Tranquillitati successisse Fluctus?

Alcyonia in Procellas & Æstus desiisse?

Cur LUNAM mari tuo dominari voluisti?

Nunquam miserior, quàm cum simulatam miseriam fugeres;

Nunquam magis futura serva,

Quàm dum liberimam Servitutem labores excutere,

Resipisces, ô Pannonia,

Quando, ut libera fias, esse voles tributaria

SOLI,

Vene-

§(o)§

Veneficorum Præfes est LUNA:

Nunquid te infatuavit?

Hinc

Venam tibi MEDIUM Viennæ ac Neostadii pertudit Medicus,
Ut resiperes.

Sed macte animis Pannonia!

Ne capitali deinceps laborares Morbo,

Capita tuorum sunt curata,

Tricipiti tuo Geryone ab Imperij Hercule

Exanimato.

Unum cave,

Ne deinceps Lunatica rapiaris ad præcipitia;
Lunaticorum more flagris & cædibus curanda,
LUNAM fuge.



1003.32

41 958.33

MC

